



Broj: 01-02-1- 221- 127
Goražde, 24.04.2023.godine

Na osnovu člana 8. Zakona o ministarskim, vladinim i drugim imenovanjima F BiH ("Sl. novine F BiH", broj: 12/03, 34/03 i 65/13), člana 2 Odluke o utvrđivanju standarda i kriterija za imenovanje na pozicije reguliranih tijela Općine Goražde („Službene novine Općine Goražde“, br. 1/14) i člana 2. Rješenja o imenovanju Komisije za izbor predsjednika i članova reguliranih tijela Grada Goražda (u daljem tekstu: komisija) broj: 01-02-1-221 od 20.1.2021.godine, Komisija, u ime Gradskog vijeća Grada Goražda, raspisuje

JAVNI OGLAS

za izbor i imenovanje članova skupštine JKP „6.Mart“ doo Goražde, Upravnog odbora JU Centar za kulturu Goražde i Nadzornog odbora JP Veterinarska stanica Goražde

I Raspisuje se Javni oglas za izbor i imenovanje članova skupštine JKP „6.Mart“ d.o.o. Goražde, Upravnog odbora JU Centar za kulturu Goražde i Nadzornog odbora JP „Veterinarska stanica“ Goražde, kako slijedi:

1. Skupština JKP „6. MART“ d.o.o. Goražde 2 člana

Opis pozicije:

Skupština preduzeća donosi Statut, izmjene i dopune Statuta; Etički kodeks preduzeća. Odlučuje o povećanju i smanjenju osnovnog kapitala, uz prethodnu saglasnost osnivača. Usvaja godišnji izvještaj preduzeća, koji uključuje finansijski izvještaj i izvještaje revizora, Nadzornog odbora i Odbora za reviziju. Odlučuje o rasporedu dobiti, o načinu pokrića gubitaka, o spajanju s drugim društvima i pripajanju drugih društava Preduzeću, uz saglasnost osnivača. Odlučuje o promjeni oblika i podjeli Preduzeća, uz saglasnost osnivača. Odlučuje o prestanku preduzeća sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije, uz saglasnost osnivača. Odobrava kupovinu, prodaju, zamjenu, uzimanje i davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine preduzeća, po bilansu stanja na kraju prethodne godine na prijedlog Uprave i Nadzornog odbora. Odlučuje o izboru i razrješenju članova Nadzornog odbora pojedinačno. Donosi odluku o izboru i imenuje članove Odbora za reviziju, na prijedlog Nadzornog odbora. Odlučuje o osnivanju, reorganizaciji i likvidaciji povezanih društava i odobravanju njihovih statuta, uz saglasnost osnivača. Odlučuje o naknadama članovima Nadzornog odbora i Odbora za reviziju; odlučuje o poslovniku o radu Skupštine, Nadzornog odbora i Odbora za reviziju, na prijedlog Nadzornog odbora. Donosi odluku o trogodišnjem, godišnjem i revidiranom planu poslovanja. Odlučuje o ostvarivanju zahtjeva preduzeća prema članovima Uprave i Nadzornog odbora u vezi sa naknadom štete nastale pri osnivanju, kupovini ili vodenju poslovanja Preduzeća, izuzimanju stalnih sredstava u privrednim društvima. Podnosi izvještaj o radu i poslovanju preduzeća Gradskom vijeću najmanje jednom godišnje. Odlučuje o zastupanju preduzeća u sudskim postupcima koji se vode protiv članova Uprave društva ili eventualnim postupcima protiv članova drugih organa preduzeća. Odlučuje o drugim pitanjima utvrđenim zakonom i Statutom.

2. Upravni odbor JU Centar za kulturu Goražde

- član /iz reda građana/.....1 član

Opis pozicije:

Djelokrug rada Upravnog odbora je: donosi pravila ustanove; imenuje i razrješava direktora odnosno v.d. direktora ustanove; utvrđuje planove rada i razvoja ustanove; utvrđuje godišnji program rada; donosi finansijski plan i usvaja godišnji obračun; donosi opšti akt o unutrašnjem uređenju i sistematizaciji poslova i druge opšte akte, u skladu sa zakonom i pravilima ustanove; odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove; rješava sva pitanja odnosa s osnivačem; odlučuje o korišćenju sredstava preko iznosa utvrđenog pravilima ustanove; odgovara osnivaču za rezultate rada ustanove; odlučuje o prigovoru radnika ustanove na rješenje kojim je drugi organ određen Pravilima ustanove odlučio o pravu, obavezama i odgovornostima radnika iz radnog odnosa; podnosi osnivaču najmanje jedanput godišnje izvještaj o poslovanju ustanove, te izvještaj o svom radu; bira i razrješava članove stalnih i povremenih radnih tijela ustanove; obavlja i druge poslove u skladu sa zakonom i pravilima ustanove.

3. Nadzorni odbor JP Veterinarska stanica Goražde 3 člana

Nadzorni odbor nadležan je da:

1. nadzire rad preduzeća;
2. predlaže Skupštini donošenje, izmjene i dopune Statuta i Etičkog kodeksa;
3. donosi Poslovnik o radu Nadzornog odbora ;
4. priprema poslovničke i predlaže ih skupštini;
5. priprema etički kodeks i predlaže da skupštini;
6. organizuje izradu vjerodostojnih računovodstvenih evidencija i finansijskih izvještaja u skladu sa važećim zakonima;
7. utvrđuje prijedlog trogodišnjeg, godišnjeg i revidiranog plana poslovanja;
8. usvaja izvještaj uprave po polugodišnjem i godišnjem obračunu sa bilansom stanja i bilansom uspjeha na osnovu prethodno datog mišljenja Odbora za reviziju ;
9. podnosi Skupštini godišnji izvještaj o poslovanju preduzeća koji obavezno uključuje: finansijski izvještaj i izvještaje revizora, Nadzornog odbora i Odbora za reviziju ;
10. bira predsjednika nadzornog odbora
11. bira upravu i sekretara preduzeća;
12. daje mišljenje skupštini o prijedlogu uprave za raspodjelu profita ;
13. imenuje i razrješava članove uprave u skladu sa odredbama statuta;
- vrši izbor kandidata Odbora za reviziju i podnosi prijedlog za njegovo imenovanje skupštini;
14. nadzire upravu u primjeni preporuka datih od odbora za reviziju i vanjskog revizora u utvrđenim vremenskim rokovima;
15. odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom u toku poslovne godine u obimu od 15% do 33% knjigovodstvene vrijednosti ukupne imovine preduzeća, po bilansu stanja na kraju prethodne godine ;
16. predlaže Skupštini preduzeća kupovinu prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom u toku poslovne godine u obimu većem od 33% knjigovodstvene vrijednosti ukupne imovine preduzeća po bilansu stanja na kraju prethodne godine ;
17. formira povremene komisije i utvrđuje njihov sastav i zadatke;
18. saziva skupštinu preduzeća;

19. razmatra provedbeni propis za postupak nabavke u smislu njegove usaglašenosti sa važećim propisima o nabavci;
20. vrši nadzor nad radom uprave i zaposlenika javnog preduzeća u pogledu primjene provedbenog propisa o postupku nabavke, te važećih propisa o nabavci;
21. nadzire upravu u primjeni preporuka datih od Odbora za reviziju i vanjskog revizora u utvrđenim vremenskim rokovima;
22. razmatra mjesečne izvještaje o radu Odbora za reviziju ;
23. vrši druge poslove predviđene zakonom.

II Mandat

Članovi Skupštine JKP 6.Mart d.o.o. Goražde imenuju se na period do isteka mandata ostalih članova Skupštine.

Članovi Upravnog odbora JU Centar za kulturu Goražde, imenuju se na period do isteka mandata ostalih članova Upravnog odbora.

Članovi Nadzornog Odbora imenuju se na period od 4 (četiri) godine, s tim da po isteku perioda od 2 (dvije) godine od dana imenovanja, Skupština preduzeća glasa o povjerenju članovima Nadzornog odbora.

Predsjednik i članovi Nadzornog odbora nakon imenovanja sa Preduzećem zaključuju ugovor koji odobrava Skupština preduzeća.

III- Uslovi za imenovanje

Kandidati za imenovanje na tražene pozicije moraju ispunjavati opće i posebne uslove.

OPĆI USLOVI:

1. Da su državljani Bosne i Hercegovine,
2. Da su stariji od 18 godina,
3. Da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
4. Da nisu pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
5. Da nisu osuđivani za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oproštene kazne,
6. Da im odlukom suda nije zabranjeno obavljanje aktivnosti na poziciji za koju se kandiduju,
7. Da nisu izabrani dužnosnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH i Zakona o sukobu interesa u institucijama vlasti FBiH,
8. Da nisu u sukobu interesa u smislu Zakona o javnim preduzećima FBiH ili po bilo kojem drugom osnovu,
9. Da nemaju privatni finansijski interes u reguliranom tijelu za koji se kandiduju,
10. Da nisu stariji od 65 godina na dan imenovanja.

POSEBNI USLOVI :

- Da imaju visoku, višu ili srednju stručnu spremu,
- Da imaju najmanje 3 godine radnog iskustva u struci nakon sticanja visoke, više ili srednje stručne spreme,
- Da nisu predsjednici ili članovi u nekom od reguliranih tijela na području BPK Goražde
- Da posjeduju komunikacijske i organizacijske sposobnosti.

POTREBNI DOKUMENTI

- a) Potpisana prijava na Javni oglas sa kraćom biografijom, adresom i kontakt telefonom,
- b) Izvod iz matične knjige državljana, ne stariji od 6 mjeseci ili ovjerena kopija CIPS-ove lične karte,
- c) Izjava ovjerena od nadležnog organa gradske uprave ili notara da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- d) Izjava ovjerena od nadležnog organa gradske uprave ili notara, da se na njih ne odnosi član IX.1.Ustava Bosne i Hercegovine, (da nisu pod optužnicom Međunarodnog suda za ratne zločine u bivšoj Jugoslaviji),
- e) Uvjerjenje nadležnog Kantonalnog/ Općinskog suda da nisu osuđivani za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršne, zastarjele ili oprostene kazne; (ne starije od 3 mjeseca),
- f) Uvjerjenje nadležnog Kantonalnog/ Općinskog suda da im odlukom suda nije zabranjeno obavljanje aktivnosti na poziciju za koju se kandiduju, (ne starije od 3 mjeseca),
- g) Izjava ovjerena od nadležnog organa gradske uprave ili notara da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u insitucijama vlasti BiH i Zakona o sukobu interesa u insitucijama vlasti FBiH, da nisu u sukobu interesa u smislu Zakona o javnim preduzećima FBiH ili po bilo kojem drugom osnovu,
- h) Izjava ovjerena od nadležnog organa gradske uprave ili notara, da nemaju privatni finansijski interes u reguliranom tijelu za koji se kandiduju, (ne starija od 3 mjeseca)
- i) Ovjerena kopija diplome,
- j) Uvjerjenje o radnom iskustvu u struci nakon sticanja visoke, više ili srednje stručne spreme;
- k) Izjava ovjerena kod nadležnog organa uprave ili notara da nisu predsjednici ili članovi u nekom od reguliranih tijela na području BPK Goražde; (ne starija od 3 mjeseca)

Kandidati koji uđu u uži izbor, biće pozvani na intervju. Na intervjuu članovi komisije će obaviti razgovor sa kandidatima, a također kandidati će raditi pismeni test iz oblasti organizacije i nadležnosti skupštine javnih preduzeća, odnosno Upravnog odbora odnosno nadzornog odbora, u zavisnosti od pozicije na koju se prijavljuje.

Komisija za izbor može zahtijevati da kandidati koji su ušli u uži izbor daju podatke o odgovarajućem broju ranijih neposrednih rukovodilaca, od kojih se mogu dobiti preporuke i informacije o kandidatima.

Članove skupštine i Nadzornog odbora imenuje i razrješava Gradsko vijeće Grada Goražda.

Članove Upravnog odbora JU Centar za kulturu Goražde imenuje i razrješava Gradonačelnik Grada Goražda.

Predsjednik i članovi nadzornog odbora, članovi skupštine i članovi upravnog odbora imaju pravo na naknadu za rad, a naknada se isplaćuje iz sredstava javnog preduzeća odnosno javne ustanove.

Javni oglas ostaje otvoren 15 dana od dana objavljivanja u dnevnom listu "Dnevni avaz".

Prijavu sa traženom dokumentacijom dostaviti Komisiji za izbor predsjednika i članova reguliranih tijela Grada Goražda, lično na protokol Grada Goražda ili preporučeno putem pošte (Ul.Maršala Tita 2 Goražde) u zatvorenoj koverti sa naznakom:

PRIJAVA NA OGLAS ZA IZBOR I IMENOVANJE ČLANOVA SKUPŠTINE JKP „6.Mart“ Goražde – NE OTVARATI.odnosno

PRIJAVA NA OGLAS ZA IZBOR I IMENOVANJE ČLANOVA NADZORNOG ODBORA JP „VETERINARSKA STANICA“ Goražde – NE OTVARATI.odnosno

PRIJAVA NA OGLAS ZA IZBOR I IMENOVANJE ČLANOVA UPRAVNOG ODBORA JU „Centar za kulturu“ Goražde – NE OTVARATI.

Neblagovremene ili nepotpune prijave neće biti uzete u razmatranje.

DOSTAVLJENO:

Komisija za izbor predsjednika i članova
reguliranih tijela Grada Goražda

1. Službene novine Grada Goražda,
2. „Dnevni avaz”,
3. RTV BPK Goražde,
4. JP „Veterinarska stanica“ d.o.o. Goražde,
5. JKP „6.Mart“ d.o. Goražde
6. JU Centar za kulturu Goražde
7. Predsjedavajući Gradskog vijeća Grada Goražda,
8. Gradonačelnik Grada Goražda,
9. Oglasna tabla Grada Goražda,
10. Web stranica Grada Goražda,
11. U dosije,
12. a/a

